

СИБИРДИН ЯЗВА ПАРА ХАТАЛУ Я, МУКЪАЯТ ХЪУХЪ!

Даш АЛИЕВ

22-октябрдин райондин активдин нубатдин совещание Ахцегъ муниципалитетдин кьилин заместитель Алмас Шуаеван регъбервилек кваз кьиле фена. Йикъан месэлайрив эгечдалди вилик ада алаатай совещанидал гайи тапшуругъар тамамарзавай гьал ахтармишна.

Налогар къватлунин ва чилерни капиталный эцигунар актуализироватунин гьакьиндай гаф районминистрациядин экономикадин отделдин начальник Мегъамед Касимова къачуна. Районда октябрдин вацран тапшуругъар эменнидай 73 ва чилин налогдай 95 процентдин кьилиз акъуднава. Капитальный эцигунарни чилин участокар актуализироватунин планар, талукъ тирвал, 101 ва 47 процентдин. Хъендик кваз къвалахзавай 9 кас дуьздак акъудна, абурухъ галаз зегъметдин икърарар кутлуннава, лагъана ада.

Йикъан къвед лагъай месэладай Алмас Исмаиловича къейд авурвал, 15-октябрдин Новолак районда сибирдин язва азардик 3 кас больницадиз аватнава ва алай вахтунда ана карантиндин талукъ тир серенжемар кьиле тухузва. Сибирдин язва – им къвалин гъайванрикай инсанрик акагзавай лап хаталу азар я. Адан микроб виш йисаралдини рекъизвач. И азарди Ахцегъ районда 1953-54-йисара кьил хкажна ва эхиримжи сеферда 2000-йисуз Лгарин чъура малум хъана. Алай вахтунда районда эпидемгъалар сагълам ятгани, игътият хуьнин чарасузвал ава... Ахпада райондин ветеринариядин, санэпидстанциядин къуллугърин векилриз ва СП-рин администрацияриз азардин вилик пад кьунин месэлайриз талукъ тапшуругъар гана. Школайрин, аялрин бахчайрин руководителар, гьакъл жемат базардай махсус сертификат галачир як къачун тавунин патахъай тагъкимарна.



- Алай вахтунда чна райондин сергъятра авай вири маларизни лапагрис азардин вилик пад къадай рапар язва. Гъайванар тукъвалдалди вилик абурон сагъламвал ахтармишунал гуьзчивализ алахъзава. Арадал атанвай шартгара паталай гъана тукъваз, чинебадаказ чпин гъятрай маса гузвай якар хаталу я, лагъана районда Госветнадзордин инспектор Ризахан Абасова. Веревириздавай месэладай гьакъл райондин прокурордин куьмекчи Тофик Эмиралиев, «сельсовет Ахтынский» СП-дин кьил Низами Эфендиев ва маса юлдашар рахана.

Районминистрациядин краридара ийизвайди тир Вадим Агъасиева залдавайбурун дикъет райондин образованидин ва вири маса идараар хуьтлуьн шартгариз къазур хуьнин месэладал, кьилди къачуртга, пичер ва чимдай маса гадаракар ахтармишна хъиз, администрациядиз къазурлухвилин актар вахун лазим тирдал желбна.

Совещание, Алмас Исмаиловича СП-рин кьилеризни бязи идарайрини карханайрини руководителриз талукъ тапшуругъар гуналди куьтягъарна.



№43 (8700), арбе

12+

ЩИШИ ДУЪНЪЯ

23-октябрь, 2019-йис. Газет гьафтада садра акъатзава.

Къимет 10 манат

САД ТИР ПОЛИТОГЪ

АХЦЕГЪАР ХУЪР ЯНИ, ПОСЁЛОК ЯНИ, ШЕГЪЕР?!

Дашдемир ШЕРИФАЛИЕВ

17-октябрдин Ахцегъ районминистрациядин залда райондин агъсакъалрин Советдин нубатдин заседание хъана. Адан къвалахда Дагъустан Республикадин агъсакъалрин Советдин член, академик Эмирбег Эмирбегова, райондин депутатрин Собранидин председатель Абдул-Керим Палчаева, районминистрациядин кьилин заместитель Мегъамед-Рауф Гъаниева, райондин Общественный Палатадин председатель Али Исмаилова, гуьрметлу агъсакъалри ва чкадин СМИ-рин векилри иштиракна.



Сифте гаф рахуналди, мярекат райондин агъсакъалрин Советдин председатель Къеземет Къеземетова ачухна ва трибунадихъ Эмирбег Зиядовичаз теклифна. Ада къейд авурвал, и юкъуз республикада чка-чкада сад тир политогъ кьиле тухузва ва чкадин важиблу месэлайрихъ галаз санал алаатай къве йисан кьене РД-дин Кьил Владимир Васильеван къвалахдини къимет гузва.

- Шак алач, Владимир Абдуалиевичан регъбервилек кваз республикада гьакъикъатдани хъсанвилехъ аквадай хътин дегишвилер жезва. Кьилди къачуртга, чун шагъидар я, коррупциядихъ галаз баришугъ тежер женг чъугвазва, налогрин база мягъкемарзава, гъар жуьре карханаяр арадал гъуналди зегъметдин чкаяр тешкилзава, яшайишдин метлебдин жуьреба-жуьре программайри хуьруьн чкада школяар, аялрин бахчаяр, больницаяр эцигзава, рекъерни къаналар туькьурзава, гъвечли бизнес ва хуьруьн майишатдин производство артмишзава.

Месела, цин 3 миллион манат пул гана хъиз, «Магарамкент-Ахты-Рутул» автотрассадин 7 километрдин рехъ реконструкция хъувунва. Федеральный «Михъи яд» программадай республикадин вири жемат хъвадай михъи целди таъминардайвал я. Заз чиди хъи, къведай йисуз ина «Ухул-Ахцегъ» цин провод туькьурда. Рутулар галайвал газопродод тухун патал 3 миллиард манат пул чара ийизва ва ик мад. Вири и крари хъсан нетижаяр анжах республикадин Кьилинни Халкъдин Собранидин, гьакъл чкайрал районрин кьилеринни

депутатрин Собранийрин председателрин арада гуьрметдинни ихтибарлувилер рафгарвилер хъайила гузва.

«Инсандиз ваъ, адан кьени крариз куьмек це», - лугъузва В.А.Васильева ва Гуькуматди гузвай гъар са манат тайин рекъе ишлемишунал гуьзчивалзава. Амма четин хъанвай кар ам я хъи, гузвай пулар чкайрал вахтунда ва дуьздаказ ишлемишиз жезвач. Ик, гъилевай йисуз 10-12 миллиард манат пул гъар жуьре себебрикди (пешекарар, техника, тежриба авачиз) ишлемишиз хъанвач. Кьилинди, В.Васильеваз В.Путинан патай тамам ихтибарлувал ава ва герек къадар пулни ахъайзава.

Ахпа мярекат суал-жавабдин ва мажбури тушир, азад суьгъбетдин тегерда давам хъана.

- Эхъ, муьфтехурринни угърийрин вилик пад къаз, халкъ патал къвалахиз алахънава Владимир Васильев. И карда чна вирида адаз куьмекун, гъарда вичин къуллугъдин чкадал михъидаказ къвалахун лазим я. Нагагъ РД-дин Кьилин къуллугъдал и кас са 15-20 йис вилик тайинарнайта, лугъурвал, чи къавах тарари цуьк акъуддай, къейдна Къеземет Къеземетова.

- Вилик хъайи регъберар гъарда яргъан вичел чъугваз алахъзавайта, Васильева вири са гъилей куьна къвалахзава, гъавилей Кьиблепатадан Дагъустандин еке финансар къезва. Тахъанайта чавай къве йисан кьене 7 школадин дараматар туькьур хъийиз жедайни, - лагъана А.К.Палчаева.

- Дуьз я, а касди халкъ патал

къвалахзава, сагърай! Бес чун?! Ихътин члавуз бес чкайрал инсанарни активни ва кьайгъудар хъана къандачи? Чна лагъайтга, асфальт хана, турбаяр тваз, рекъера ятар тваз, абур чъурзава. Рекъерин кьерехар хкъаз, анрал къвалерни жуьгунар эцигзава... Ингъе, саки 30 йис я, гуя чун базардин экономикадин шартгара ава, гъа са вахтунда кьени районда са заготовительный кооператив - заготбаза авач. Къвед лагъайди, Ахцегъар хуьр яни, посёлок яни, тахъайтга шегъер? Зи кьил акъатзавач, - лагъана зегъметдин ветеран Къардаш Мамалиева.

- Маса гудай чка, мумкинвал авачирвилей бязи инсанри ичер стлун ахтлугъвач. Дугъри я, шире авун патал кило пуд манатдай къабулзава.

РЕСПУБЛИКА ДАГЕСТАН
АДМИНИСТРАЦИЯ
МУНИЦИПАЛЬНОГО РАЙОНА
«АХТЫНСКИЙ РАЙОН»

11.10.2019 г. № 198
с.Ахты

ПОСТАНОВЛЕНИЕ О ПОВЫШЕНИИ ЗАРАБОТНОЙ ПЛАТЫ РАБОТНИКАМ МУНИЦИПАЛЬНЫХ УЧРЕЖДЕНИЙ МР «АХТЫНСКИЙ РАЙОН»

В соответствии с Постановлением Правительства Республики Дагестан от 27.09.2019г. №229 «О повышении заработной платы работников государственных учреждений Республики Дагестан» Администрация МР «Ахтынский район» - постановляет:

1. Органам, осуществляющим функции и полномочия учредителей подведомственных муниципальных учреждений:

1.1. Произвести с 1 октября 2019 года повышение заработной платы посредством увеличения размеров должностных окладов на 4,3 процента работникам муниципальных учреждений, определенных постановлением Правительства Республики Дагестан от 27.09.2019г. №229 «О повышении заработной платы работников государственных учреждений Республики Дагестан».

1.2. В срок до 1 октября 2019 года внести изменения в Примерные положения об оплате труда с установлением новых размеров должностных окладов работникам муниципальных учреждений МР «Ахтынский район».

2. Установить, что расходы, связанные с реализацией настоящего постановления, осуществляются в пределах средств, предусмотренных в муниципальном бюджете на обеспечение деятельности муниципальных учреждений.

3. Настоящее постановление вступает в силу со дня его официального опубликования и распространяется на правоотношения, возникшие с 1 октября 2019 года.

4. Контроль за исполнением настоящего постановления возложить на руководителя финансового управления МР «Ахтынский район» А.Н.Мирзоева.

Глава МР «Ахтынский район»
О. М.АБДУЛКЕРИМОВ

ЙИГИН ЕРИШРАЛДИ

Къакларин хуьруьн школада «Образование вилик тухун» госпрограммадин «Хуьруьн чкада авай умуми образованидин тешкилатра физический культурадал ва спортдал машгул хун патал шартгара яратмишун» проект кьилиз акъудунин сергъятра аваз йигин еришралди спортзал ремонтзава. Алай вахтунда къавар дегишарунин къвалахар кьиле физва.

ДИДЕД ЧАЛАР ВА МИЛЛИ ПРЕССА ХУЬН

М.НАРИМАНОВ

15-октябрдиз Дагъустандин журналистрин Союздин 60 йисаз талукъ яз ДГУ-да кыле тухвай юбилейдин илимдин конференциядал республикадин дидед чалар хуьнин ва вилик тухунин

хыи, жуван уьлкведин чалахъ галаз санал дидед чални чир хъана клада», – лагъана Камалова.

Ада гъакни кьейд авурвал, Дагъустандин прессадин тафаватлу кьетгенвилерикай сад милли чаларал акъатзавай чкадин печатный изданияр я. Абуру хуьруьн



карда милли прессадин метлебдиз талукъ месэлар гъална. Конференция ВУЗ-дин ректор Муртазали Рабаданова Союздиз юбилей мубарак авунилай башламышна. Ахпа ада кьейд авурвал, милли прессади дидед чалар хуьнин карда виридалайни важиблу ролрикай сад кьугъун лазим я. Гзаф миллетрикай ибарат тир чир республикади милли пресса вири патарихъай хуьнихъ акъалтгай чехи метлеб ава.

Сифте доклад гъаз «Гъакъикъат» газетдин кылин редактор,

чкада яшамыш жезвай инсанрин культурадин ва информация къачунин игътияжар таъминарзава. «Тарихда акI арадал атанва хыи, республикадин районар авай ва чпин яш 70 йисалай алатнавай газетрин редакциярикай культурадин ва просвещенидин вичин жуьредин маканар хъанва. Гъа районрин печатди чкайрал агъалийрихъ галаз сих алакъсар хуьва. Печатди милли чалар хуьниз екедаказ таъсирзава», – лагъана Камалова.

Журналистрин Союздин

турадин, яшайишдинни руьгъдин уьмуьрдин гъакъиндай гъакъикъи информация бес жезвач. Адет яз, Россиядин регионрин СМИ-ри милли культурайриз бес къадар дикъет гузвач. Вичи Дагъустандин халкъарин са шумуд чалал передачаар гузвай ва эхиримжи са шумуд йисуз «Дагъустан» РГВК-дин спутниковый каналдин мумкинвилер ишлемишунки вичин передачаарин радиус гьеншарнавай республикадин телевиденидай гъар жуьре себбелалди гзаф къадар каналрихъ галаз конкуренциядиз экъечиз жезвач...

Ахпа доклад гъаз ДГУ-дин Дагъустандин чаларин кафедрадин заведиш, филологиядин илимрин доктор Муса Багомедов экъечина. Ада дидед чалар вилик тухуна халкъарин арадин тежрибадикай суьгъбетна, социологиядин ахтармишунрин нетижар гъана ва образованидин хилекай кьетгендаказ кьейдна. М.Багомедова урус чалаз важиблу роль чара авуна: «Инанмишвилелди лугъуз жеда хыи, дагъустанвияр патал урус чал гъава хъиз герек я. Урус чал чир тахъанмаз республикада менфятлудаказ кIвалахдай ва яшамыш жедай мумкинвал авач».

Идалай къулукъ серенжем элквей столдин жуьреда давам хъана. Инал ДГУНХ-дин президент Гъамид Бучаев, РД-дин образованидин ва илимдин министрдин заместитель Ширали Алиев, общественный деятель ва алим Деньга Халидов, граждан-вилин общество вилик тухунин ва инсандин ихтиярар хуьнин рекъай Дагъустандин Къилин къвалав гъай Советдин Председатель Зи-



Дагъустандин журналистрин Союздин председател Али Камалов экъечина. Ада кьейд авурвал, дагъустанвиьрин жегъил несилди чпиз хас тир лишанар квадарзава, адаз вичин культура чизвач. Гъа са вахтунда абур дагъустанвияр яз амукъзава. «Чалар хуьнин ва ишлемишунин виридалайни хъсан кьайда – им чаларин гъакъикъи гзафвал я. Им акI лагъай чал я

председателдин фикирдалди, чкадин изданияр жележегда республикадин информациядин картадилай квахун мумкин я. ГъикI лагъайтIа, государстводин ва муниципальный дережада чпин тереф хуьн тавуна абурувай яшамыш жедач. Идалайни гьейри, Россиядин сергъятра, иллаки дагъустанвияр яшамыш жезвай регионра, чи ватангълийрин тарихдин ва куль-

крулла Ильясов, «Дагъустандин правда» газетдин кылин редактор Бурият Токболотова ва маса иштиракчияр рахана. Абуру дидед чалар чирунин карда Дагъустандин прессади иштиракуниз талукъ месэладай чпин фикирар лагъана. Конференциядин сергъятра дидед чалар хуьнин рекъай республикадин руководство патал теклифрин сиягъ гъазурна.

АГЪВАЛАТАР

ХУЬРУЬГ ТАГЪИР ГЫНАЙ Я?

Саидагъмед АБДУРАШИДОВ,

ХУЬУЛУЬДРИН ХУЬР

Са сеферда гзаф итимар чпин магъледин (гъар са магъледихъ вичин ким ава) кимел ацукъна, лезги шаиррикай суьгъбетар ийизвай. Ахпа суьгъбет, чна гъуьрметзавай халкъдин шаир Хуьруьг Тагъиракай кватна. Виридан юкъва секинди ацукънавай са къадар яшар хъанвай итимди хабар къада: – Хуьруьг Тагъир гынай я? – лагъайла кимел алай итимар хуьрена.

Гуьгъунлай малум хъайивал, Хуьруьг адаз Тагъиран буба хъиз хъанай.

(Гъа ихътин агъвалатар анжах кимерал жеда, гъуьрметлубур).

«СА БАК Я АМАЙДИ»

Чи хуьруьнви Бакар зарафатрал гзаф рикI алай, Туьнин рекъайни усал тушир, пайгар итим тирди виридаз малум тир. Са сеферда мехъерик квайла, са суфрадилахъ ацукънавай итимри лугъуда.

– Бакар вуна вуч ийизвайди я. Чи вилик квай суфрадал алай къапар вири ацланва, абур ичи авуна клада.

– Эй стхяр, квез чидай Бакар амач, са бак я амай-

ди, лагъайла мехъерик квай итимар вири хуьрена.

«БЕДНЫЙ КЪАРНАЙ»

Им алагай асирдин пудкъад лагъай йисара хъайи кар я. Рутул райондин Цахуррин юкъван мектеб куьгъгъай Къарнай ДГУ-диз имтигъанар вахуз фида. Урус чалай зайиф тир адавай имтигъанар гуз тахъана хуьруьз хкъеда. Къвед лагъай йисни гъа икI фида. Пуд лагъай сефердани адавай бегъем жавабар гуз тахъайла, къабулзавай комиссиядин членрикай сада вугай суалдиз Къарная (адахъ чи хуьруьн кве гадани галай) икI лугъуда: – я не Ленин, я бедный Карнай из горного магала. И члавуз къабулзавай комиссиядин членар вири хуьрена. Гъа икI, Къарнаякай ДГУ-дин студент хъана. Къени бедный Къарнай лугъуз и тIвар виридан сивера амазма.

ИНАЛ ША, ХИЗАНАР

Им лап фад хъайи кар я. Электрик эквер анихъ амукърай, лампада цадай нафтни бегъем гъат тийизвай гзаф мишекъат девирар тир. Са сеферда цийи суса хизандиз ийизвай хешил бегъем хъана чанахъда (а девирра хизанди вирида са къапунай недай) экIяда лагъана, чанахъ а патал туна (итимар цIухъ элквейна ацукъна кIвализ цIун ишигъдини экв гузвачир) хешил чилел экIяна. Чем цун патал вилни авуна, чIемни цана, хешил хизандин вилик тухуда лагъана, чанахъ къачуз клан хъайи сусан гъилер хешилдиз аватда. Маса чара амукъ тавур суса «хешил нез инал ша, хизанар» – лугъуда.

ВАЖИБЛУ МЕСЭЛАЙРАЙ

ГЪАЙВАНРИН САГЪЛАМВИЛИН КЪАЙГЪУДА

Алина ШЕРИФАЛИЕВА

И мукъвара чун райондин ветеринарный управленидин начальник Вагъидин Абдулгъалимова хъ галаз гуьруьшмиш хъана ва адавай алай вахтунда вич кыле авай идарадин къайгъуйрикай суьгъбетун тIалабна. Ада кьейд авурвал, зулун вахт яз исятда веткъул-лугъчияр гъайванриз сибирский язвадиз, цIегъериз ва яшурдиз акси рапар ягъунал машгъул я. Расколар туькIуьрунни ветеринариядин къуллугъчиьриз кIвалахда еке куьмек хъанва.

– Раскол вуч затI я?

– Раскол – им малариз рапар ягъун ва маса серенжемар тухун патал тайинарнавай махсус имарат я. Алай вахтунда райондин



– Малум тирвал, хаталу азар кваз гиликънавай гъайванар махсус фураара-скотомогильникра кучудна клада. Чи района скотомогильникра авани?



бязи хуьрера расколар эцигъзава. ИкI, Чеперин хуьре 5, Ахцегъа са раскол ава, амма са шумуд эхцигун фикирдик ква. Малариз рапар ягъун эсиллагъ регъят кIвалах туш. Ида гзаф вахт ва къуватар серфун истемешзава. Виридалайни вилик гъайванрин иесийри рапар ягъуниз итиж авуна, абур чи патав гъана клада. И месэла гъикъван важиблу ятIа вирида аннамашун чарасуз я.

– Чи района акъван гзаф скотомогильникра авач. Сибирский язва ва яшур азарар галукънавай гъайванрин лешер цIай яна кун ва скотомогильникра кучудна важиблу я. Скотомогильник – им гъар сана хъана кIанзавай затI я. Чарасуз дуьшуйшра гъайванрин лешер кун патал исятда «Сельсовет Ахтынский» СП-дин руководство махсус пич къачунва. Мукъва вахтунда чина мадни скотомогильникра арадал къведа.

ХУЬРЕРИЗ – КЪУЛАЙВАЛ!

АВАДАНЛАМИШЗАВА

Ахты-чай вацIун кьерехдал бинеламиш жедай «Набережный» тIвар алай надир парк «Къулайвилер авай шегъердин среда арадал гъун» проектдин сергъятра аваз аваданламишун давамарзава. РикIел хкин, кIвалахар гъиле авай йисан августдиз башламышнай. Абуру 2019-йисан ноябрдиз бегъемарун фикирдиз къачунва. Икъван чIавадди целди таъминардай имаратар гъазурнава ва гъанва, тротуаррин кьерехар туькIуьрнава. Исятда габиондин цал эцигунин рекъай кIвалахар кыле физва.



ГЪАСАННИ ГЪУЬСЕЙН

Н.А.ГЪАЖИЕВ,
зегьметдин ветеран,
журналист

(Эвел 37, 38-39-42-нумрайра)

Нетижада вуч жедатла адан фикирдизни ата-нач. Амма ада и кар лап фад гьиссна. Иеси дигегьлидал чурун ниятар аваз гьил гьалчна лугьудай ван чукурна, ада Гъуьсейн квалера, гьятра, кьесерал бьабурзава. Садазни килигдай чин Гъуьсейнахь амач, ам вирида негъзава. Амма гьакьикьат чизвай-бурни ина тлимил авач. Инсанрихь вилер ава, абуроз вири аквазва, амма садавайни са гафни лугьуз жезвач-гьардаз вичин кьисмет багъна я, киче я. Суд-дуванни яргъал фенач. Кьиникин буйругь гьаз кьве жаллатдин вилик кваз Гъуьсейн чуьлдиз тухузава. Девейрин карванар физвай рекьин са кьерехдив абуроз дерин фура аквазва. Агьвалатдин гьакьикьат чизвай галайбуруз Гъуьсейнахь язукъезва, амма буйругь тамамар тавуна абурвай жезвач. Тапшуругь гьай-буру «ажал аватла, кьутармиш жезва, тахьайтла гьана вич рекьиде лагана», - Гъуьсейн гьа и фуруз веьгена, чеб кьезва. Чеб ракурнавайбуруз чпи гада яна са фуруз веьгена лагана хабар гузва.

Пуд юкьуз гишинвилини цихь кьарихвили гьелекнавай гада фурун клане ламу цлаз далу яна клуччал ацукъзава. Фуру хейлин деринди я, куьмек галачиз экьечдаи са мумкинвални авач. Гьинай ва мус аватнавайди ятлани, фурун Гъуьсейнахь кьаншарда авай клане, чархъ хьиз алчуд хьана, члуав гьуьлягь юзун тийиз ксанвай. И пуд юкьузни фуравайбуру чеб чпиз мукьва хьунин са гьерекатни авунвач. Гьуьлягьдикай Гъуьсейназ гзаф кичлени тир, гьадавайни инай экьечиз жезвач. Вичин пашман кьисметдикай фикрзавай гада вич ина рекьидегахьни инанимиш хьанва, амайди гуьзетун тир. Гьа и арада Гъуьсейназ фурун кьилелай иниз са нин ятлани хьен аватайди хьиз хьана, кьил хкажайла адаз винедай са касни акунач. Ятлани ада «куьмек, куьмек» лагана, кьевиз гьарайзава.

Фурун кьерехдал агьуз килигдай инсандин кьил пайда жезва. «Зун инава, куьмек», - лагана мад гьарайзава ада. Фурун кьилел кватл хьайибур гзаф жезва. Яргъи цилер гьана абуроз виридан куьмекдалди Гъуьсейн фурай ахкъудзава. Кьутармиш хьун лап дьушуйшдин кар тир: кьвалавай физвай рекьей карванчийрикай садаз кьери ци тади гуз, фурун кьерехдив мукьва хьайила, гьарайдин ван кьезва. Куьмекдиз эверайбурухь галаз фурай ахкъудай гада ам жагъай девечиди чпихь галаз хутазава. Ада Гъуьсейн вичиз кьуллугьчивиле кьабулна, адаз хиперин суьруьяр хуьз тазва. Гададин уьмуьр гила квалелай гзаф дагда, чуьлда, кьилшакра, гатун яйлахра жезва. Михь гьава, гегьенш веькеринни цуькверин атир чукурзавай чуьллер-майданар, кьайи ва михь булахар. Чими югь тир. Серин чка жагьуриз Гъуьсейн кьалин ва кьакьан кьавах таран кланик квай булахдал атана кьерехдал ацукъзава.

Кьарухвили тади ганвай ам агьуз хьана, тлиш це туна, тухдалди яд хьезва. Эхиримжи еке хупл сиве кьуна яд гьургьурна сиве экьурна а патал гадарзава. Гъуьсейн вичин вилерихь инанимиш жезвач: цин чкадал адан сивий чилел ракъинал нур гузвай кьизилдин пулар аватзава. Кьачуна килигдава-гьакьикьатга гьакл я. Мад сиве яд кьачуна авур кар тикрар хьийизва-мад кьизилар аватзава. Тадиз кватл хьуьуна, жибиндиз хьивегьна, кисна ацукъзава. Кьилей агьзур жуьредин фикрар физва. Аламатдин сиринай кьил аькатзавач.

Ахвар ятла? Ваь, ахвар туш, тикрар хьуьура сивий мад кьизилар аватзава. Нияхъ суьруьяр кватл хьуьуна ам квализ хьезва. Рикл михь яз, мердвилей ва гьаклни вич фурай ахкъудна кьутармиш авунай ада са гьапа авай кьизилар вичин иесидиз гузва. И кар авунал гада пашман жезва. Нур гузвай кьизилдин пулар акур савдагар теспача жезва: «Ибур гьина авайбуру я? Нивай чуьнуьхнавайбуру я?»- лугьуз гададал тепилмиш жезва ам. Гъуьсейнахь гьа вичи гузвай тьуьнлай гьейри, са затлани авачирди чизвай иесиди адан михьвилел шак гьизва. Тадиз фена вичин сундухдиз килигдава-ина вири чкадал алама. Азгьунвиле гьатнавай савдагар мад гададал тепилмиш хьана, жибинра кьекьена анай мад пулар акьатайла, шаклувал маднин гужлу хьана гададал: «Лагь, ибур гьинай кьачунвайбуру ятла!»- лугьуз гьалтзава. Гъуьсейнахь сир ачур тийидай хьана акьул. - «Заз абур булахдин кьерехдилей жагъайбуру я-лагьана ада, - «Гьинава а булах? Кьалура ам заз!»

Пакад юкьуз экв хьанмазни суьруьдихь галаз иесини чуьлдиз экьечизава, Гъуьсейна адаз булахни кьалурзава. Кьуд патахь элкъез булахдал чархар ягъай савдагардиз са затлани жагьизвач. Элкъевна хьфиз гьазур хьанвайла, булахдилей са тлимил а патал адаз веькерин арада нур гузвай затл аквазва, кьачузва-кьизилдин клус. Им Гъуьсейназ такуна аламайди тир. Анжах гила савдагар гададин гафарихь инанимиш жезва.

Вич иесиди хушуналди ачур тийидайдан гьавурда акьунвай Гъуьсейна гьикл катлатла лугьуз фикрарзава. Са шумуд йикьариллай хиперин суьруьяр гада галачиз хьезва. Иеси гададихь кьекьезва, амма Гъуьсейн яргьарай авай. Гзаф чкайра ам кьекьезва, амма адан я рикл, я уьмуьр динж туш. Санайни руьгьдин секинвал адаз жагьизвач. Девлетлуни ам кани кьван хьанва, адан жибинар кьизилдин клусарив гьамиша ацланва, амма шадвал абуроз адаз гузвач. Гьабур себеб хьана ам са шумудра дьушуйшрик акатзава, гьабурун куьмекдал кьутармишни хьижезва. Кьизилар гзаф хьана абур гьикл ва куьз ишлемишдагьа адаз чизвач, амма хаталувал гьамиша патав гва.

Стахь гьамишалугь кьвахьна, диде-буба, хайи ватан рикел хтай гада гьабурал кьил члугьаз гьазур жезва. Диде бегьем куьзуь хьанвай, хва жагьун хьуьура адаз гзаф хьеш жезва, амма дидедихь гьал авачир, ам ажунни хьанвай. Яшаммиш жезвай квални лап куьгьне хьана гуьнгьуна амачир. Бубани галамачиз ам тек тир, кесибвал ачухдиз кьатлуз жезвай. Дидедин гафаралди Гьаждал феи буба хкведай рекье рекьизва. Галаз феибурун ихтилатрай ам гьабуроз Сириядин сергьятда са чклизвай хуьруьн кьерехдив кучуднава. Гъуьсейна геж хьуьуна. Устларар, фьалеяр кватна ада дидедиз живейвай цийи квалер эцигзава, адахь гелкьуйн патал куьмекчи кьве дигегьлини кваллахдал кьабулна, абуроз вири шартлар туькьурна, буба гьикл кьенатла, гьина кучуднаватла чирун патал дидедивай ихтияр кьачуна рекье гьатзава. Яргьал мензилар, вахтар алатзава, хейлин чкайра кьекьевна ам. Гьаждин рекьера кьена кучуднавайбурун сурарал фена, гзафбурул тварар ва тарих алач, гьавилей тайиндиз им бубадин сур я лагана ам кучуднавай чка адаз чизвач. Ятлани тахминал буба кучуднавай сурар кьайдадиз хьизва, чкланвай чкайр дьуз хьийизва, сурарихь часлар гелкьуьрзава. Сурарихь гелкьуьр патал кьваларив яшаммиш жезвай са кесиб касдиз тапшурмишна кьизилдин пуларни гана, Гъуьсейн квал галайвал рекье гьат хьийизва.

(Кьатл ама)

ЭВЛИЯНАР ВА АБУРУН АЛАМАТАР

Гьаж Гьемдуллагь БАБАЕВ,
зегьметдин ветеран, РД-дин
культурадин лайихлу работник

(Эвел 39-нумрада)

Текийрин хуьрай тир пир Гьасан эфенди вичин стха пир Сулейман яшаммиш жезвай Лгарин хуьруьз мугьманвилез кьведа. Аллагь рази хьуй чпелай. Гьал-агьвал, дуланажагьдин шартлар хьсан яз акурла, пир Гьасан эфенди стхадилей гзаф рази хьана, шад жезда.

— Стха, вун авай хуьр авадан хуьй ва вунни Аллагьдин рагьимдик кваз, чандин сагьвал аваз берекатлу хуьй! Гила вун заз ихтияр хце жуваз кьисмет хьанвай Текийрин хуьруьз хьфидай, — лагана ада.

— Вун гзаф сагьрай, гьурметлу стха, чал кьил члугьаз атай. Вак тади акатмир, чна Кьучагьрин хуьре авай чи стха пир Мусаданли са кьил члугунайтла, адан гьал-агьвал гьикл ятла чаз чир жездай. Ам вични чун акурла шад жездай!

— Валлагь вун дьуз лагана, зи рикле авай мурадни гьам тир. Дьуз меслят я, стха чан! Ша кьведни фида чун! — лагана абур кьведни Лгарин хуьрай Самур дере галай патахь, гуьзел дагьларин куклушрай, кьакьан синерай, гьейран жездай хьтин тьебиатдин этегрин тлуларай, яргьай Кьучагьрин хипер, малар хуьзвай чураризни килигдай, ширин суьгьбетдик кваз рекье гьатна. Пир Сулейман эфендиди, сивик мили хуьруьн кваз, Гьасан стхадиз лугьуззава: ада чаз са клелни ргана, гьиликай суфрани куьрсна, вилик атана, чун кьаршиламишнайтла, хьсан тир.

— Аллагдай патай кьисмет аватла, гьамни жездай кваллах я! — лагана Гьасан эфендиди сабурвилелди. Хуш суьгьбетрик кваз сифте абур Женийрив агакьда. Гьилер чуьхуьн (дастамаз) кьачуна кьве стхадини нисинин капл авуна. Женийрин чайханадай гьарда кьве стакан чайни хьвана, вини гьамамрин кьилихь галай дагьдиз хкаж хьана, кьвачи тлушуннавай жигьиррай Кьучагьрин хуьр галай патахь рекье гьатна. Хуьруьв агакьдалди са версинин мензил амаз, дагьдин этегда куьлай чкадал ял ягьиз ацукьнавай вахтунда, бейхабар далдадихьай Муса стха кьезвайди чир хьана. Абур кьведни кьвачел акьалтна. «Ангье! Ада чун кьаршиламишзава!» — лагана пир Сулеймана Гьасан стхадиз. «Ваз сан суракь авачир кьван шукур хуьй, кьурбанд хьайи Аллагь. Вун чи Муса стхадиз члехи дережаяр кьисмет ая! Чандин сагьвал це! Амин!...» — лагана абуроз. Гуьгуьлар шад яз пир Муса абурун патав агакьайла, ада салам гана, эрчли гьилевай суфра яваздиз веькел эцигна, чапла куьнелай чумахьдихь акална далудихь веьгенвай багьламани суфрадин патав авудна.

Ахпа стхайри хваш-беш ийиз, сада-садан гарданар кьез эгечина.

— Гьикл я, Муса стха, ви гьал-кеф, дуланажагь?! Серес яни?! — лагана жузуна Гьасан эфендиди.

— Аллагдай сан-суракь авачир кьван шукур хуьй! Лап хьсан я! — лагана жаваб хгана пир Мусадиди.

ГЪУЬРМЕТЛУ АХЦЕГЬ, РУТУЛ ВА ДОКЪУЗПАРА РАЙОНРИН АГЪАЛИЯР!

Рафик МЕГЪАМЕДОВ,
РД-дин Ахцегь, Рутул ва Докьузпара
районрин военный комиссар

Алай вахтунда РФ-дин Яракьлу Кьуватрин Кьилин храмдин «Дорога памяти» тарихдин мемориалдин комплексда тун патал РФ-дин Оборонадин Министерствода Ватандин Чехи дьаведин иштиракчийрин гьакьиндай делилар кватлунин ва абур гьалунин рекьай активний кваллах давам жезва. Чна Ахцегь, Рутул ва Докьузпара районрин вири агьалийривай дьаведин ветеранрин гьакьиндай делилар ва абурун шикилар кватлуниз куьмекун тлалабзава. Военный комиссариатдин иларда и жуьредин материалар кватлунин рекьай жавабдар кас финансини экономикадин, яшайишдин ва пенсионный кваллахдин рекьай военный комиссардин куьмекчи Динара Набиевна Гьажиназарова я.

ЧИР ХЪУН ХЪСАН Я

Куручлар ва сарар сагьламбур хьун патал, туб оливкадин ягьлудик кьана, куручлриз массаж авун меслят кьалурзава.

Вилин кьекьебар даклна квал акатнавайла, афнийрин 1,2 стаканда авай чкалрал 1,2 стакандин кьадарда авай ргзавий яд илича ва аниз 1,2 чайдин тлуруна авай хуьрекин сода веьгена, 30 декьикада кьевирна тада. Ахпа ам куьзна, чимивал кумаз, памбаг кьезирна, йикъа кьве сеферда 10-15 декьикада вилин кьекьебар эцигда.

Кьел грибок азардин душман я. Эгер куь гьилерик, кьвачерик грибокдин азар кваз хьайитла, агдадихь галай рецептдикай менфят кьачу: 3 литр кудаи циз хуьрекин пуд тлуруна авай кел веьгена цурурда, ахпа ам куруниз цана, са тлимил марганец веьгена, аник яд рекьидалди кьвачер ва я гьилер кутада. Са шумуд сеферда авур ихьтин процедуради грибокдин азар михиз квадарда.

ДИНДИН МЕСЭЛАЙРАЙ

— Чун, кьве стха, вал кьил члугьаз атанвайбуру я, — лагана, Аллагь рази хуьй вичелай, — пир Сулейман эфендиди. — Дьуз лагь, вун гьазур хьана гьиниз физвайди я? Вун чи патав гьикл хьана акьатнавайди я?

— Я квал кьени хьайи стхаар, бес куьне рекьиз экьечайла, эгер ада чун патал рганвай са клелни гваз рекьиз атана кьаршиламишнайтла, чаз ам чи стха Муса яни тушни чир жезда, — лагана чирни?!..

Сифте ада суфра ачухда. «Им за кьез гьанвай са гетледавай хипен кьаймахни, таза фуни ниси я! Ахпа рганвай клел квай багьлама ачухна кьалурда. Имни куьне заз гайи тапшуругь!».

— Гьикл я... яни Муса пир!?!...

— Аллагдай рази хуьй валай! — лагана пир Сулейман эфендиди. Аллагдай ви берекатар артухрай! Амин! — хьлагана пир Гьасан эфендиди.

1930-йисара Кьучагьрин хуьрай тир Агьаширин лугьудай кас балкландалаз са цел хипен нисини гваз Ахцегьрин базардиз кьведа. Балклан саламат чкадал кутлунна, адалай цел алудна, базардин кьенез тухвана, нисияр маса гузвай тахтанал эцигна, терезарин кьачуна, вичин алвердал машгьул хьана. Агьаширин гьил, рикл ачух, мергьяматлу кас тир. Ниси ужукь кьисметдай клан хьайидазни ада ваь лугьудачир. Тямлу нисидин дад акур ксариз бегенмиш хьана абур Агьаширинал алтлушнавай. Са герендилей са кас атана «Вахъ ниси амани?» — лагана хабар кьуна.

— Целце амайди са вад кило ниси я, кланзаватла вири санлай кьахчу! — лагана Агьаширина гуьгуьл шад яз.

— Ви гафунал зун рази я. Анжах зав ниси твадай кьабни гвач, жедатла вун а целни кваз ниси аллумна жуван кьисмет кьачу! — лагана ада. Целни гьиликай куьрс хьуьуна, ам тади кваз базардай экьечина хьфена. Агьаширина рикл архайиндиз терезар вахгана, ам вугай касдиз сагьрай лагана, базардай экьечина. Хьуьуна клани кьайгьуьрни фикирдик кваз балклан кутлуннавай чкадал фена килигайтла, балклан са ни ятлани ачухна гваз фена. — Яраб зи балклан низ герек хьанатла, — лугьуз, фикирдик акатна Агьаширин. Кьифле-кьифле кватл хьанвай инсанривай хабар кьаз хьана ам.

Эхирни адахь кьекьезвез феи ам Ахцегьрин Кьузайпатан Кьантлардал алай кимел акьатда. Салам гана, ада кимел алай ксаривай балклан акуначни лагана, хабар кьада. И вахтунда кимел алай жегьилри Агьаширинакай зарафатар ийиз башламишда. Вичиз яб тагуз акур ада Аллагдай вьезерна инсанривай са дьуба авун тлалабда. Кимел алайбуру дьуба ийиз башламишна. И члавуз Гуьней пата и кимин кьаншарда авай са цурин цал чклана ва анай Агьаширинан лагу балклан экьечина. И кар акур кимел алай итимар алат хьана амуькьна. Са яшлу итимид жегьириз куьн инсанар туш, гила кьез чир хьанани, ам вуьз ятла, адавай багьшламишун тлалаба лагана. Жегьилри Агьаширинавай багьшламишун тлалабнай. И хьсан касни Кьучагьрин хуьре фарикьатнава.

Рагьмет хуьрай вичиз!

МУМКИНВИЛЕР АВАТЛАНИ...

К.ИБРАГЬИМОВ,
Хуьруьгрин хуьр

Алай вахтунда Дагьустандин хуьрерай хейлин жегьилар кваллахиз масанриз физва. Мисал яз, Хуьруьгрин хуьрай гзаф жегьилар Покачи, Норильск, Надым, Воркута, Салехард, Анадырь шегьерриз ва масанриз фена. Гила бьезибур яваш-яваш хайи ерийриз хквез эгечина. Са девирда чи уьлкведа дагьлух хуьрер арандиз куьчарунин гьакьиндай кьарар акьуднай. А члавуз арандиз куьч жезвайбуруз бязи кьезилвилерни ганай, амма малум тирвал, куьчарнавай хуьрерин хейлин агьалийрин вил кьени чпин гьевечли ватанрихь галама.

Яшайиш кьиле тухун патал чун яшаммиш жезвай дередилай кьулай гьич са чкани авайди туш. Кьуд патахь дагьлар, хьсан уьруьшар гала, михь гьава ава ва икл мад. Ибур вири Аллагдай чаз багьишнавай савкьатар я. Темпелвал тавуна, абуркай кар чиз менфят кьачуртла, жибиндиз хизан хуьн патал чарасуз пулни кьведайди я. «Жуван гьиле авай лаш тлуруар алаз акумир» — лугьудай халкьдин мисал авайди я. Жуван хуьруьн ва вацун тариф на тавурла, масадани ийидайди туш.

Хуьруьгрин хуьре са вахтара хиперин хейлин суьруьяр, кьени ва члуру мalarин нехирар, балкланрин рамагар авайди тир. Гила абурун кьадар амагдай гьалда тлимил хьанва. И гуьзел дагьлар ва члуруар баябан я.

Исятда Гьукуматди дагьлара хьб-мал кухтун патал гьар жуьре кьезилвилер кардик кутазатлани, жегьилар патариз физвайвилей чи школайрани аялрин кьадар кьвердавай тлимил жезва. Им, шаксуз, гьайиф члуруниз лайихлу кар я.

ИГЪТИЯЖЛУБУРУН КЪАЙГЪУДА ХЪАНА

М.НАРИМАНОВ

Вич тешкилайдалай нинхъ 90 йис тамам хъунин девирда Ахцегъ районди уьлкведиз хейлин машгъур инсанар ганва. Дагъустандин соцообеспеченидин виликан министр, рагъметлу Латифа Керимовна Керимова гъа ихътинбурукай сад я. Райондин юбилейдин йисуз адан уьмуьрдай бязи делилар риклел хкун чаз кутугай кар яз акуна.

Латифа Керимовна Керимова 1920-йисан 10-ноябрдиз, Дагъустандин автономия малумарай йисуз, хуьруьн муаллимдин хизанда къакъан дагълух Ахцегърин хуьре дидедиз хъана. Школада келиз адаз регъят тир. Иллаки математикадал рушан рикл гзаф алай. Бубадихъ хъсан библиотека авай. Гъавилияй руша ктабар гзаф келдай. Тафаватлудаказ 7-класс куьтягъайдалай къулухъ Латифа Буйнакскдин финансин техникумдик экечина. Ам вири Кеферпатан Кавказ патал кадрийрин чад тир.

1937-йисуз Л.Керимовади Сергокъала райондин Сберкассадин (РСК) къилин бухгалтервиле кваллахиз башламишна. Са тимил вахтунилай ам Двигательстрой (Каспийск) поселокдиз рекъе хутуна. Ина ада 1940-йисан эхирдалди кваллахна. Партиядик экечилай адакай КПСС-дин Докъузпара райкомдин секретардин куьмекчини хъана. Гуьгъуьнин дяведин четин йисара Латифа Керимовади Ахцегърин РСК-дин къилин бухгалтердин къуллугъ тамамарна. Ахпа ам Махачкъаладиз Гострудеберкассаирин ва госкредитрин Управленидиз къилин бухгалтердин къуллугъдал кваллахиз хъфена. 1949-йисан эвелда адаз СССР-дин финансин министрдин буйругъдалди «Финансин къуллугъдин советник» лагъай твар гана.

1949-1951-йисара Ленинградда авай СССР-дин Минфиндин высший финансин курсара келна. Абуру куьтягъайдалай къулухъ КПСС-дин Дагъустандин обкомдин административный ва алишверишдинни финансин органрин отделда кваллахна, гъа са вахтунда заочныйдаказ Вирисоюздин финансин институтда келна. Ада инаг, экономиствиле пеше къачуналди, 1955-йисуз куьтягъна. 1957-йисуз Л.Керимовадикай КПСС-дин Махачкъаладин горкомдин секретарь хъана. Инай ам Москвадиз КПСС-дин ЦК-дин къвалав гвай Высший партийный школадиз келиз рекъе туна. Ам куьтягъайдалай къулухъ 1959-йисуз Латифа Керимова ДАССР-дин соцообеспеченидин министрвиле тайинарна. Адав кваллахдин жавабдар ва четин участо-



крикай сад гвай.

Латифа Керимовадин виликан келунрикай, кваллахикай адан гележегдин къакъан ва жавабдар госкъуллугъдиз гъазурлухвиле девир хъана. Ина ада вичин хъсан ерияр тамавилелди ачухарна. Латифа Керимовадин вилик инсанрин саламатвиле галаз алакълу хейлин месэляяр гъялуниин жавабдар везифаяр акъвазнавай. Яшлугурун ва набудрин квалер адан къетен къайгъударвилек квай. Абурукай хейлинбуру къулайвилер авачир куьгъне дараматра чка къунвай. Латифа Керимовадила Махачкъала ва Буйнакск шегъерра типовой цийи дараматар эцигун, амайбури капитальный ремонт авун патал пул чара ийиз тун къазанишиз алакълна.

Л.Керимова «Кадрийрилай вири аслу я» лозунг буш гафар туширдан, къакъан дережадин пешекарар кваллахда даях жедайдан гъавурда авай. Ада ВТЭ-дин къуллугъдин патахъайни жаваб гузвай. 60-йисарин сифте паюна колхозчир гзаф къадарралди пенсиядиз экъечлиз башламишна. Идакди адан къуллугъдин сергытар гегъенш хъана. Гъавилияй Министерствонин къилин экспертдин – республикадин ВТЭК-дин

председателдин ва ВТЭ-дин къилин инспектордин къуллугъ кардик кутуна.

1961-йисуз Советрин Союздин делегациядин жергеда авай гъуьрмет ва авторитет хкаж хъана. Ам Белиждин округдай 6-9-созыврин ДАССР-дин Верховный Советдин депутатвиле хкъанай. И йисара поселок чир тежедайвал дегиш хъана. Ам тамавилелди электрикламишна, куьчейра къир цана, цийи школяяр, яшайишдин рекъяй къуллугъдай комбинат эцигна, цин провод тухвана. Вири и кваллахра Л.К.Керимовадин лайихлувал чехиди тир. 1975-йисан залаладилай къулухъ Буйнакск шегъерда авай набуд аялрин кваллин дарамат тамавилелди кълана ва ам ишлемиш хъийидай мумкинвал амукънач. Латифа Керимовадин алахунралди и идарадин цийи типовой дарамат, Махачкъала шегъерда авай къуллугъчир патал 5 мертебадикай ибарат яшайишдин квал эцигун патал пулдин такъатар чара авуна. Абуру 1979-йисуз ишлемишуниз вахкана.

Латифа Керимовади къуллугъчийрин яшайишдин шартларин, абуру квалералди таъминарунин гъакъиндай къайгъударвал члугъадай. Ада къуллугъчийрин ял ягъуниз, профсоюздин организациядин кваллахиз фикир гудай. Идалайни гъейри, художественный самодетельность, оркестр тешкилнавай. Абуру госидарайрин къуллугъчийрин Союздин обкомдин килигунрал квалеквечи чкаяр къазвай. Къуллугъчийри адаз гзаф гъуьрметдай ва чпин арада кланвилелди «Чи Латифа» лугъудай, адал дамагдай.

Республикадин общественный уьмуьрда активвилелди иштиракиз хъайи Л.Керимова КПСС-дин обкомдин членвиле, Махачкъаладин горсоветдин депутатвиле, Дагоблсовпрофдин членвиле хкъанай. Адан гзаф йисарин зегъмет ва общественный кваллах лайихлудаказ Гьукуматдин

къакъан шабагъралди: «Знак почета», «Зегъметдин Яру Пайдахдин» орденралди, «1941-1945-йисарин Ватандин Чехи дяведа гъакъисагъ зегъметдай», «Гъакъисагъ зегъметдай», «В.И.Ленин дидедиз хъайидалай нинхъ 100 йисан гъуьрметдай члугур гъакъисагъ зегъметдай», «Зегъметда тафаватлувилай» медалралди, Верховный Советдин ва ДАССР-дин соцообеспеченидин Министерствонин Гъуьрметдин грамотайралди къейднава. Ам «ДАССР-дин лайихлу экономист» лагъай къакъан тварцлиз лайихлу хъана.

Л.Керимовади соцообеспеченидин органар вилик тухуник, абурун кваллах хъсанаруник еке пай кутуна. Ам агъалияр пенсийралди таъминарунин кваллах хъсанаруни рекъяй гъялиз асантбур тушир хейлин месэляйив кар алакълна эгечлдай. 1980-йисан мартдиз Латифа Керимовна пенсиядиз экъечлдай ада РСФСР-дин соцообеспеченидин Министерствонин, ДАССР-дин Министррин Советдин, вичи 20 йисалайни гзаф вахтунда регъбервал гайи Министерствонин коллективдин патай чухсагъулдин чарар къачуна. ДАССР-дин Верховный Советдин Президиумдин Указдалди 1989-йисан 13-январдиз Л.Керимова Гъуьрметдин грамотадалди къейдна.

1983-йисуз ам Москвадиз куьч хъана. Ина медицинадин илимрин кандидат, вилерин азаррин Институтдин къилин пешекар адан руш яшамаш жезва. Инани ада шегъердин, ветеранрин Советдин общественный уьмуьрда активвилелди иштиракзавай. Ам уьмуьрдин эхиримжи йикълди вичин принциприз, идеализ вафалу хъана. Ада тунвай баркаллу адатар гуьгъуьнин йисара хъайи министрар тир Г.Гъамидовади, П.Багандовади, И.Эфендиева лайихлудаказ давамарна. 1997-йисалай яшайишдин рекъяй хуьдай Министерство РД-дин агъалияр кваллахдал таъминардай ва зегъметдин Министерствонихъ галаз садна. Адани Латифа Керимовади тунвай адатар давамарна.

Яшайишдин къуллугъдин ветеранри Латифа Керимовадин экуь къамат гъамиша риклера хуьзва. Республикадин вилик Л.Керимовадин лайихлувилер гъисаба къуналди ва ам эбеди риклел хуьн патал Латифа Керимова яшамаш хъайи квалел мемориалдин къул эцигун ва Махачкъаладин ветеранрин Квал Л.К.Керимовадин тварунихъ ягъун лап кутугай кар жедай...

ПУЛ КВАЛЯЙ ЭКЪЕЧИ ТАВУНА ГУЗ ЖЕДА...

Исятда къвердавай гзаф инсанри чпи ишлемишнавай газдай гъакъи квалляй экъечл тавуна гузва. Сентябрьдин вацра агъзура-лайни гзаф дагъустанвийрикай «Абонентдин личный кабинет» къуллугъдин цийи муьштерияр хъана. «Личный кабинетдин» абонентриз чпин лицевой счетдин гъакъиндай тамам делилар къачудай, безналичный расчетдин рекъелди ишлемишнавай газдин гъакъи гудай, талукъ тир идарадиз счетчикдин делилар ракъурдай ва хейлин маса крар тамамардай мумкинвал гузва. Чпин гъиле гъамиша гаджетар авай ксар патал «Личный кабинетда» www.mkala-mrg.ru сайтда регистрация хъун ва я «Мой газ» мобильный приложенидикай менфят къачун бес я. Идалайни гъейри, «Личный кабинетдиз» <https://мойгаз.смородина.онлайн> ссылкадай-



ни гъахъиз жеда. И къуллугъдиз талукъ тир вири месэляйрай агъалийривай технический рекъяй куьмек гуниин отделдиз support@смородина.онлайн адресдиз электронный чар кхъена хабар къаз жеда.

«ГАЗПРОМ МЕЖРЕГИОНГАЗ МАХАЧКАЛА»
ООО-дин ПРЕСС-КЪУЛЛУГЪ

МАЛУМАТАР

Райондин ветеринарный управленидин администрацияди жемат я кардикай хабардарзава хъи, алай вахтунда пландин биндедалаз малариз эмкар ва сибирский язва азарриз акси рапар язава. И кар алай йисан ноябрдин эхирдалди давам жеда.

Чпи 1990-1997-йисара ХМАО-да авай По-качи шегъердин «Покачевская УТТ» (технологический транспортин управление) ООО-да кваллахай ва «Лукойлдин» акцияр къачурбурун фикирдиз. Итиж ийизвай вири месэляйрай кве-вай мобильный телефондай 8-964-009-06-20-нум-радиз зенг авуна хабар къаз жеда.

2020-ЙИСАН 1-ПАЙ ПАТАЛ
«ЩИЙИ ДУЬНЯ»

ГАЗЕТ КХЪИЗ
БАШЛАМИШНАВА

Ругуд варз патал почтадай газет
кхъинин къимет 274 манат я.

Редакциядай квевай чи газет
200 манатдай кхъиз жеда

Чи реквизитар: ИНН - 0504007157
КПП - 050401001

Р/СЧЕТ -4070181700001000026

Л/СЧЕТ - 2003Ш29490 БИК -048209001

ЩИЙИ ДУЬНЯ

(Новый мир)

Учредитель:

Администрация
Ахтынского района
Республики Дагестан
Главный редактор
Д.Ш.ШЕРИФАЛИЕВ

Газета перерегистрирована Управлением федеральной службы по надзору в сфере связи, информационных технологий и массовых коммуникаций по РД 22 января 2019 г. Регистрационный номер ПИ № ТУ 05-00401.

Позиция редакции может не совпадать с точкой зрения авторов, которые несут ответственность за достоверность и объективность предоставленных для публикации материалов. Рукописи не рецензируются и не возвращаются. При перепечатке ссылка на «Новый мир» обязательна.

Адрес редакции и издателя:
368730, РД, Ахтынский район,
с. Ахты, ул.Герейханова, д.33.

Телефон главного редактора
8(988)-654-59-49

Электронная почта газеты:
newworld1928@mail.ru

ИНДЕКС 63312

Газета «Новый мир» сверстана и отпечатана в ООО «Типография-М» по адресу: г.Дербент, ул.С.Курбанова, 25. Электронная версия газеты на сайте www.akhty.ru

По вопросам качества печати обращаться в типографию ООО «Типография-М»

Время подписания в печать по графику 14.00.

Подписано в печать 14:00

Газета выходит 52 раза в год.

Тираж 1500 экз. Заказ №